

文苑英華卷第四百二十一

翰林制詔二

赦書二

改元赦書

改天監元年赦詔

沈約魏梁書武



門下五精迺襲皇王所以受命四海樂推殷周所以改物  
 雖禪代相舛遭會異時而微明迭用其流遠矣莫不振民  
 育德光被黎元朕以寡闇命不先後寧濟之功屬當期運  
 乘此時來同梁書心萬物遂振厥弛維大造區夏未言前  
 蹤義均慙德齊氏以代終有徵曆數云改欽若前載集大  
 命于朕躬顧惟菲德辭不獲命寅畏上靈用膺梁書景業  
 執禋柴之禮當與能之祚繼迹百王君臨四海若涉大川

罔知攸濟洪基初兆萬品權輿恩俾慶澤覃被率土可大  
赦天下改齊中興二年爲天監元年賜民爵二級文武加  
位二等鰥寡孤獨不能自存者人穀五斛遺布口錢宿債  
勿復收其有犯鄉論清議贓汙淫盜一皆蕩滌洗除前注  
與之更始長從勅繫之身特皆原遣亡官失爵禁錮奪勞  
一依舊典

開元元年赦書

蘇頌

黃門朕聞聖人無心同於吹萬上皇有道契於明一居天  
下之尊者莫大體其大以昭臨成天下之務者至公順其  
公以康濟故能稽昌曆考元符通于神祇格于上下鴻名  
不可以深拒盛典不可以固違斯豈在予而徇於物也朕

以非德丕承聖訓掃除欃槍保衛宗稷內問安以承志外  
聽理以推誠始自朝廷納之以軌物終加蠻貊泊之以聲  
教欲令跂行喙飲含齒戴髮去其天札蠲其疵癘每兢兢  
於紫座寧自貴於黃屋而凡我羣辟顧斯兆庶以爲人謀  
協從天意欽若王者人所歸也帝者天之號也歸之者以  
德號之者以功然號以功成則功不可以不表歸以德厚  
則德不可以不勵朕猥屬與能之運遂忘冲讓之私將逮  
臨一作建寅之歲首甫擇建子之天統是用發揮景命受茲

禮冊夫循名者責實謀始者慮終勉而全之非敢自滿所  
以克已思政惟懷未圖懼弗勝荷用多慙惕赦令所作其  
來尚矣是則姦人之幸嘗思奔馬之喻朕但欲令其畏惡

化之為善庶比屋可封豈開羅為惠朕之此志每用形言  
頃屬一作自頃冬序頗愆農功一作澤泊簡辰練日有司備禮則

上天同雲北風雨雪意者將乘廣慶必待湛恩宜行一作憑

宥過之典以叶隨時之義可大赦天下改先天二年為開

元元年十二月一日昧爽已前大辟罪已下已發覺未發

覺已結正未結正繫囚見徒咸赦除之云禮尚於儉書

誠於奢朕方鑄敦朴以存勸沮至於乘輿服御及土木之

功蠲除樽節貴從簡省王公已下宜識此心欲將先自朕

躬冀能化行海內薛伯陽以凶魁之子合宜嚴刑緣尚主

之恩特令遠貶旋念從夫之禮深矜自我之出宜復舊婚

再承新命可唐州別駕員外郎置同正員郭元振往立大

功保護於朕頃因閱武頗失軍器容責情放逐將收後效

可饒州司馬員外置同正員朕聞罪不相及先王之制叔

向豈同一作坐於凶第展禽見稱於哲兄劉廙不以劉偉獲

辜王導不以王敦廢職崔滌為其兄湜構禍每進款誠事

朕有年心則無隱忠邪既判賞罰宜均俾踐儲卿式彰臣

節可太子僕員外置同正員國初以來宰相及賞封功臣

子孫一房沉翳未承恩者令所司訪擇有可一作才用者量

加擢用周朝酷吏來俊臣周興之徒殘害宗枝毒害良善

未言及此深所痛一作歎恨其酷吏有身在及酷吏身後有

子孫亦令所司勘會甄別處公諸軍將士有年歲深久所

由要籍或不得選集及未叙勞効咸委軍將據實奏聞仍

令所司早賜處分及諸軍將佐總管以上自今已後冬正  
東帛一準京官例給亡命山澤挾藏軍器百日不首復罪  
如初敢以赦前事相告言者以其罪罪之赦書日行五百  
里布告遐邇咸使知聞主者施行

一作皆唐大詔令

改元天寶赦

內制

門下古先哲王之致理也皆上順天心下稽人事特令贊  
發生之重一作德祥一作靈符叶紀年之稱考彼前載斯為一作

馬大猷恭惟烈祖玄元皇帝天寶錫慶象帝之先垂裕後  
人重光五聖自朕嗣守丕業洎三十年實賴宗社降靈昊  
穹乎祐萬方無事六府維脩寰宇晏然一作如庶臻于理然

則乾元在上仁覆為首皇王臨下惠化攸先恩弘善貸用

廣滋一作慈育尊道寶之一作而建元暢玄風於不宰况屬陽

和布氣猷歲發生宜覃在宥之恩式降維新之澤可大赦

天下改開元三十年為天寶元年自天寶元年正月一日

昧爽已前大辟罪已下罪無輕重已發覺未發覺已結正

未結正繫囚見徒常赦所不原者咸赦除之諸色左降官

并其流人未經量移者亦與量移禁麇外以遂生成自今

已後每年春天下宜禁弋獵採捕如聞百姓之內或有戶

高丁多苟為規避父母見在乃別籍異居宜令州縣勘會

其一家之中有十丁已上者放兩丁征行賦役五丁以上

者放一丁即令同籍共居以敦風教天下侍老八十以上

者宜委州縣官每加存問仍量賜粟帛侍丁者令其養老  
孝假者矜其在喪此王政優容俾申情理而官吏不依令  
式多雜役使自今後不得更然國之急務莫若求才頃者  
雖屢搜揚士庶尚慮遺逸更宜精訪以副虛懷其前資及  
白身人中有儒學博通及文詞秀逸或有軍謀越衆或武  
藝絕倫者委所在長官具以名薦若乃弘我風化實惟方  
岳必佇其人以膺共理其京文武官五品以上清資并即  
官據資歷人才堪爲刺史者各任封狀自舉但文宣垂訓  
事必正名而黃鉞古來以金爲飾金者應五行之數有肅  
殺之威去金稱黃理或未當其黃鉞宜改爲金鉞符威武  
之義焉内外文武九品已上各賜勳兩轉前王重典在乎

祭祀况屬維新事宜昭告五嶽四瀆名山大川諸靈迹及

自古帝王忠臣義士並令所由本州縣致祭

一作皆唐大詔令

奉天改元大赦制

陸贄

門下致理興化必在推誠忘已濟人不恡改過朕嗣守

服不構君臨萬方詔令失守宗祧越在草莽不念率德誠

莫追於旣往求言思咎期有復詔令於將來明徵厥初舊

書作以示天下惟我烈祖邁德庇人致俗化於和平拯生

靈於塗炭重熙積慶垂二百年伊爾卿尹庶官洎億兆之

衆代受亭育以迄于今功存于人澤垂于後肆予小子獲

續鴻業懼德不嗣罔敢怠荒然以長于深宮之中暗于經

國之務積習易溺居安忘危不知稼穡之艱難不察唐書

征戍詔令作之勞苦澤靡下究情不上通事既墮隔人懷

情集作疑阻猶昧省已遂用詔令與戎徵師四方轉餉文粹

千里賦車籍馬遠近騷然行齋居送眾庶勞止或一日屢

交鋒刃或連年不解甲冑祀奠詔令乏主室家靡依生死

流離怨氣凝結力役不息田萊多荒暴命唐書峻於誅求

疲眊空於杼軸轉死溝壑離去鄉閭邑里丘墟人煙斷絕

天譴於上而朕不寤人怨於下而朕不知馴致亂階變興

都邑賊臣乘釁詔令肆逆滔天曾莫愧畏敢行陵逼萬品

失序九廟震驚上辱於詔令祖宗下負於詔令黎庶痛

心覩貌詔令罪緊在予求言愧悼詔令若墜泉谷賴天地

降祐人神唐書叶謀將相竭誠爪牙宣力屏除詔令大盜

載張皇維唐書屏皇維魏盜斯載張將弘求圖詔令必布新命詔

令朕晨興夕惕惟念唐書前非乃者公卿百寮累詔令抗

章疏詔令表猥以徽號加以朕躬固辭不獲俯遂輿議昨因

內文粹省良用矍唐書然體陰陽不測之謂神與天

地合德之謂聖顧惟淺昧非所宜當文者所以化成武者

所以定亂今化之不被亂是用興豈可更徇羣情苟膺虛

美重余不德祗益懷慙自今以後中外所上書奏不得更

稱聖神文武之號夫人情不常繫於時化大道既隱亂獄

滋豐朕既不能弘德導人又不能一法齊眾苟設密網以

羅非辜為之父母實增愧悼今上元統曆獻歲發生唐書

宜革紀年之號式敷在宥之澤與人更始以文粹答天休  
 可大赦天下改建中五年為興元元年自正月一日昧爽  
 已前大辟罪已下罪無輕重已發覺未發覺已結正未結  
 正繫囚見徒常赦所不原者咸赦除之李希烈田悅王武  
 俊李納等有以忠勞任膺將相有以勲舊繼守藩維朕撫  
 馭乖方信誠靡著致令疑懼不自保安兵興累年海內騷  
 擾皆由上失其道而下罹其災朕實不君人則何罪屈已  
 私物余何愛焉庶懷引慝之誠以洽好生之德其李希烈  
 田悅王武俊李納及所管將士官吏等一切並與洗滌各  
 復爵位待之如初仍即遣使分道宣諭朱滔雖與賊泚連  
 坐路遠未必同謀朕方推以至誠務欲弘貸唐書作亦念

如能効順亦與維新其河南河北諸軍兵馬並宜各於

本道自固封疆詔令勿相侵軼朱泚大為不道棄義茂詔

作賊恩反易天常盜竊名器暴犯陵寢所不忍言獲罪祖宗

朕不敢赦其應被朱泚脅從將士官吏百姓及諸色人等

有遭其扇誘有迫以兇威苟能自新理可矜宥但官軍未

到京城以前能去逆效順及散歸本軍本道者並從赦例

原免一切不問天下左降官即與量移近處已經量移者

更與量移流入配隸及罰藩鎮効力并緣罪犯與諸使驅

使官兼別勅諸詔令州縣安置及得罪人家口未得詔令

歸者一切放還應先有痕累禁錮及反逆緣坐承前恩赦  
 所不該者並宜洗雪亡官失爵放歸勿齒者量加收叙未

復資者更與進叙人之行業或未必兼構大厦者方集於羣材建奇功者不限於常檢苟在適用則無棄人沉黙免

之人沉鬱既文粹作頗久朝過夕改仁何遠哉流移降黜亡官

失爵配隸流人等有才能著聞者特加錄用勿拘常例諸

軍諸使諸道赴奉天及進收京城將士等或百戰摧敵或

萬里勤王扞固全文粹作金城驅除大憝濟危難者其節著復

社稷者其業崇我圖爾功特加彝典錫名疇賦永永無窮

宜並賜名奉天定難功臣身有過犯迺減罪三等子孫有

過犯迺減罪二等當戶應有差科詔令作備使役一切蠲免其功

臣已後雖衰老疾患不任軍旅當分糧賜並宜全給身死

之後十年內仍回給家口其有食實封者子孫相繼代代

無絕其餘收錄及功賞條件待收京日並準去年十月十

七日十一月十四日勅處分諸道諸軍將士等久勤扞禦

累著功勳方鎮克寧惟爾之力詔令作績其應在行營者並超

三資與官仍賜勳五轉不離鎮者依資與官賜勳三轉其

累加勳爵仍許回授周親内外文武官三品已上賜爵一

級四品已下各加一階仍並賜勳兩轉見危致命先哲攸

貴掩骼埋胔禮典詔令作經所先雖効用而詔令作之或殊在惻隱

而何間諸道兵士有死王事者各委所在州縣給迺送歸

原野者亦委所在逐近便收葬應緣流貶及犯罪未葬者

並許其家口各據本官品以禮收葬自頃軍旅所給賦役

詔令作赴本管官為葬祭其有因戰陣殺戮詔令作捕獲伏辜暴骨



繁興吏因為姦人不堪命咨嗟怨苦道路無聊汔可小康  
與之休息其墊陌及稅間架竹木茶漆權鐵等諸色名目  
悉宜停罷京畿之內屬此寇戎攻劫焚燒靡有寧室王師  
仰給人以重勞特宜減放今年夏稅之半朕以克醜犯闕  
遽用于征爰度近郊息駕茲邑供儲克辦師旅攸寧式當  
褒旌以志吾過其奉天宜昇為赤縣百姓并給復五年尚  
德者教化之所先求賢者邦家之大本末言茲道夢想勞  
集作增懷而澆薄之風趨競不息幽棲之士寂寞無聞蓋誠  
所未孚故求之不至天下有隱居行義才集作道德高遠晦  
跡丘園不求聞達者委所在長吏具姓名聞奏朕當備禮  
邀致諸色人中有賢良方正能直言極諫其博通墳典達

於教化并識洞韜鈴堪任將帥者委常參官及所在長吏

聞薦天下孤集作耆老鰥寡惇獨不能自活者並委州縣長

吏量事認令作加優恤其有年九十已上者刺史縣令就門存

問義夫節婦孝子順孫旌表門閭終身勿事大兵之後內

外耗竭貶食省用宜自朕躬朕當損認令作節乘輿之服御絕

宮室之華飾率已師儉集作率以節儉為天下先諸道貢獻自非

供宗廟軍國之用一切並停應內外官有冗員及百司有

不急之費委中書門下即商量條件停減聞奏布澤認令作恩

行賞抑惟舊章令以餘孽未平帑藏空竭有乖慶賜深愧

于懷赦書有所未該者委所司類例條件聞奏敢以赦前

事相言告者以其罪罪之亡命山澤挾藏軍器百日不首

復罪如初赦書日行五百里布告遐邇咸使聞知

興元二年改爲貞元元年正月一日大赦天下制

前人

門下王者體立元極欽若乎天地纂業承統嚴奉乎祖宗

所以敬事修誠務本敦孝尊其上以御于下謹其身而訓

于人百神允諧詔令兆庶未賴立國之本斯其大經詔令

之大典莫朕燭理不明違道招損往遭大集作難淪陷國

都天地宗祧曠而莫主是則欽若嚴奉之義缺矣朕甚懼

焉泊再集無復京師遽將告謝有司以人力耗斲禮物廢

墜詔令日居月諸歲聿云暮卜其近日俯詔令在上春齊

心未懷坐以待曙而百辟卿士抗疏詔令上言咸謂人心

未寧不足以盡敬寇孽猶在不足詔令以造功迫於羣情

俯仰詔令誠願郊廟孔邇瞻言莫定悼心慙顏胡寧自處

重以和平未洽灾沴荐臻去歲旱蝗兩河爲甚人流不息

師出靡居加之以徵求因之以荒饉困窮餒殍轉死丘墟

而又關輔之間冬無積雪土膏未發宿麥不滋詳思咎徵

有爲而致詔令豈兵戎之後餘梗詔令尚存將獄行

之中深冤未釋詔令又河左詔令淮右逆將詔令阻兵汗

脅齊人陷之死地雖欲自雪厥路無由抱義銜冤足傷和

氣此皆由集自朕爽詔令德播災于人爲之父母實用愧

耻今玄陰已謝春日載陽勾萌畢伸幽蟄咸震思與海內

同心自新發號詔令更元用符天意宜改興元二年爲

貞元元年自正月一日昧爽以前大辟罪已下已發覺未發覺已結正未結正繫囚見徒罪無輕重咸赦除之應在河中脅從將士多是奉天赴難功臣本居朔陞夙尚忠節豈以一夫誑誤棄其累代勲庸朕於此軍尤所不忍特宜洗滌待以初誠自非與官軍決戰死於鋒刃其餘雖臨戰詔令擒獲亦並詔令釋放如舍集作逆歸順者在身先有官爵實封一切如舊仍準前後制勅所在便給賞錢并與甄叙如有因危効節建立殊庸量其事蹟特加獎擢李懷光若能翻然悔詔令過束身赴闕詔令念其嘗有大勲必當終始全護仍準前勅授之官封朕於功臣庶亦無負淮西將吏百姓等有被劫制又為匪人詢事原情諒非獲已

今王師四合計日誅夷玉石同俱焚用增惻憫宜令諸

道進軍之日唯罪首惡一人自餘徒黨悉從原宥如有歸

明詔令及立功者並準河中將士例褒獎為國之要在於

審官共理分憂守宰彌切闔境性命繫乎其人將使里閭

無愁苦之聲風俗興廉讓之教得不慎東髦彥寄之化源

自今已後諸州刺史有闕中書門下於朝官中精擇有理

人才術者授之如刺史縣令在任頻年課績尤異詔令者

擇授給舍郎中詔令御使中外迭處用觀其能賞

罰必行期于競勸自頃選曹署吏唯以書判求人務騁浮

華莫詢詔令實行且能言者不必適用蘊用者或未能言

為官擇人其在精覈宜令清資常參官每年於吏部選人

中各舉所知一人堪任縣令錄事參軍者所司依資叙註擬便於甲曆之內具標舉主名銜仍牒報御史臺如到任後政理尤異及有贓犯事蹟明著者所司錄舉官姓名聞奏以為褒貶其內外官員及京城諸使名目委御史審勘會商量并省停減仍集百寮定議務從詔令簡約息費便人其京官外官職田及利息官錢等或黠吏詆欺移易墻畔或貧人從徙捕繫親隣日月滋深耗弊彌甚亦令百寮議其拆衷擇善而行往以賦役殷繁人不堪命定為兩稅事頗易從此屬兵興或踰始制法無所守吏益為姦哀我勞人汔可小息其諸州府除兩稅外應有權宜科率差役一切悉停京畿及側近州縣所欠百姓科詔令和市和雜價

直委度支即勘會支給諸道非臨寇賊州縣自去冬已來

新點召詔令官健子弟等並宜放散任營生業應經陷賊

州縣百姓屋宇被焚毀并貧病老弱及遭傷損之類所在

量加優卹使得安存天下名山大川并自古聖帝明王賢

臣烈士祠廟墳墓各委當處長吏擇日致祭必資精潔以

達至誠班爵有差所以叙賢也廩秩有等所以明勸也今

或高卑失次中外相踰至於卿士之家尚羅凍餒之患忠

信重祿豈其然耶內外官祿及俸錢手力雜給等委中書

門下與度支即參詳定額聞奏應赴奉天及收城將士等

並功存社稷節著艱危中心藏之豈忘酬報頃緣府藏空

竭賞給未周集作乃眷勲臣實用增愧應準元勅合請賞

錢人等委所司節城宮內及百司費用據所支集作財物速與給付集作支給應在京城及諸道立功將士等先有詔旨並許甄昇所司勘會淹歷時月委中書門下即與處分諸軍行營并河中朝邑被脅從將士家口在京及諸州府者宜令本道節度觀察使常存賑卹各令優給應諸軍諸使立伏見在城將士等共賜物七萬疋云云

七月初十日按正五十八字

文苑英華卷第四百二十一

翰林制誥三

文苑英華卷第四百二十二

赦書三

尊號赦書一

開元二十七年冊尊號大赦天下制 孫逖

門下一作勅古之執大象建皇極者必稽彝訓而受鴻名所

以應乎天而順乎人也朕嗣守丕業二十七年受命之初

既膺明號尚多祗懼已謂崇高而公卿宗子緇黃耆艾披

誠瀝懇詣闕上言僉以為乃聖乃文祖宗大烈恭惟纘服

必在欽承願以休名施于薄德抑而不許凡已十年爰迨

于今又陳八請上迫奉先之義下稽從眾之言將存至公

不可固拒以今日敬依大號曰開元聖文武皇帝勉從

典冊良增感懼惟新之號既不私於朕躬非常之澤宜並

一作普

覃於率土可大赦天下自開元二十七年二月七日

昧爽以前大辟以下罪無輕重已發覺未發覺已結正未

結正繫囚見徒常赦所不免者咸赦除之自開元已來諸

色逋負痕累人等咸從洗滌令許自新所司更不須以此

爲累其有別勅停官及亡失爵者放歸不墜之類量加收

叙左遷官及諸色流人並稍量移近處朕每念黎甿常恐

失所救其困乏所貴一作必在及時比來諸州或有損處所在

賑給例逼春農比及奏報又淹時月既無救於懸絕亦何

成於惠養自今已後每年至秋收後即宜遣使分道宣慰

仍與採訪使及州縣相知巡檢百姓間或有乏絕不自支

濟者應須蠲放及賑給便量事處置訖奏聞天下百姓宜

放今年地稅州縣官月料往緣錢有濫惡致損於人或徇

私者多得罪亦衆所以改支庸調將便公私聞百姓之間

加織造若以此勞弊又非得所自今已後宜各以當道所

鑄充其月料古者三載考績黜陟幽明允叶大猷以勸天

下比來諸道所通善狀但優仕進之輩與爲選調之資責

實循名或乖古義自今已後諸道使更不須通善狀每至

三年朕當自擇使臣觀察風俗有清白政理者聞者當別

擢用宗廟致敬必先於所在神人所依無取於非族深惟

至理用切因心其應緣太廟五享宜於宗子及嗣王郡王

中揀擇有德望者令攝三公行事其異姓官更一作吏不須

差一作令攝其草澤間有殊才異行文堪經國為眾所知不

求聞達者所在長官以禮徵送皇太子璵男宜並封授官

邠王守禮寧王憲各與一子三品官其内外文武三品已

上賜爵一級四品以下各加一階長公主及嗣郡王各與

一子官郡主縣主各放一子出身二王後及諸方蕃客宜

各賜物諸致仕官量與進放依前致仕天下耆老百歲已

下版授下州刺史婦人版授郡君賜粟五石綿帛五段九

十已上版授上州司馬婦人版授縣君賜粟三石綿帛三

段八十已上版授縣令婦人版授鄉君賜粟兩石綿帛二

段京城父老宜共賜物三千段道僧等賜物一萬疋天下

觀寺六齋日宜轉經讀典懲惡勸善以闡文教赦書有所

未該所司類例處分率土之内賜酺五日五嶽四瀆名山

大川自古帝王忠臣義士並令州縣致祭其有亡命山澤

挾藏軍器百日不首復罪如初宣布中外咸使知聞主者

施行一作皆唐大詔令

文武孝德皇帝冊尊號赦書長慶元年元稹

門下昔我高祖太宗化隋為唐奄宅區夏包舉四海全付

子孫其何事哉彼昏盈而我勞敬也明皇承之能大其業

六戎八蠻罔不貢奉由是庶尹弛政庶吏弛刑視人不勤

視神一作盜不謹燕寇勃起洞無藩籬六十有七年兵革大

熾其何事哉據逸安而易萌漸也逮我聖父勤身披攘斬

斷誅除天下略定曾是幽冀賜予懷來荷賴景靈丕訓不墜

斷誅除天下略定曾是幽冀賜予懷來荷賴景靈丕訓不墜

英華及本集均止  
大赦天下句以下文  
字依葉石君校本  
從唐詔今補入

環歲之內方平寧粵予何功時帝之力而卿大夫猥以大  
號加于眇身讓于四三益甚其請皇太后如聞其事歡然  
慰心慈旨下臨臣誠上迫祗受太一作禮稟乎余懷尚念  
昔者七十二君莫不升中慶成自以為堯舜莫已若也然  
而不為堯舜之行者來代無傳焉朕嘗推是為心不欲名  
浮於實今卿大夫謂我為文武孝德矣其將何道以匡予  
予其業業競競日慎一日慕陶堯虞舜之行以自勉思文  
祖憲考之道以自勤予苟不思無忘納誨於戲溢美之名  
既不克讓及一作物之澤夫何愛焉可大赦天下自長慶  
元年七月十八日一作唐荆詔無輕重咸赦除之唯故殺  
人并官典犯贓不在限內應左降官流人本國犯贓得罪  
大中二年正月五日應左降官流人本國犯贓得罪  
者宜依今年正月三日制處分京畿諸縣及度支鹽鐵戶  
部負欠各踈理放免有差應經戰陣處之所在州縣收瘞  
遺骸仍量事與樞檟兼以禮致祭李師道吳元濟自絕於  
天並從誅滅念其祖父嘗事先朝墳墓所在並不得令人  
擅有毀廢愛人本於省賦雖必在輕國用出於地財又安  
可闕今淮蔡並山東率三十餘州約數千里頒賜或踰於  
鉅萬給復有至於連年應河北等州給復限滿處置宜委所  
在長吏審詳墾田並桑見定口數均輸稅賦兼濟公私每定  
稅訖所增加賦申奏其諸道定戶宜委觀察使刺史必加審  
實務使均平京兆府亦宜准此其百司職田在京畿諸縣者  
訪聞本地多被所由侵隱抑令貧戶佃食蒿荒百姓流亡半



在於此宜委京兆府勘會均配務使公平其京兆百姓屬諸軍諸使者宜令各具挾名勅下京兆府一戶之內除已屬軍使餘父兄弟據令式年幾合入色役者並令京兆府明立簿籍普同百姓一例差遣頻年已有制勅處分委京兆府舉明舊章條件聞奏刑獄所繫理道最切如聞比來多有稽滯一拘囹圄動變炎涼自今已後宜令御史巡囚涉情故或斷結不當有夫政刑經沒官被人情射本官及子孫到並委却還天下諸色人中有能精通一經堪為師法者委國子祭酒訪擇其有課績特除堪在朝獎者臺省官有關宜先選擢自今郡守恪奉詔條清廉可紀四考與轉諸道或門糴禁錢自為條約切宜禁斷其内外文武及致仕官三品已下各加一階陪位白身人賜勳兩轉故尚父汾陽王贈太師晟贈太尉秀實各與一子八品官顏真卿杲卿張巡許遠南霽雲各與一子出身武德已來功臣子孫量加獎用中書門下及節度使帶平章事者各與一子八品正員官祖父母及父母並與贈官封父沒母存者與邑號已贈已封者更與追贈及邑號禮儀使禮使度支鹽鐵使京兆尹各與一子出身文武常參官并致仕官諸道節度觀察經略等使及神策等諸軍使父見存者量與致仕官母存者與邑號父母亡沒與贈官及邑號東都留守及諸道節度觀察經略等使神策金吾六軍將威遠鎮國軍使各與一子出身陝州奉先興元功臣更賜勳爵有差身歿未經追贈者

與追贈應緣大禮移仗宿衛御樓立仗將士普恩之外賜勳爵有差仍准舊例賜錢二十萬四千九百六十端匹段貫大禮職掌行事官及畱守等更賜勳爵及加階升壇殿行事官更特加一階應在城內蕃官容等賜物有差常參官及刺史有停替及病假解官及終制未授官委中書門下量才進擬其有情願致仕官者亦聽天下諸色人中有賢良方正能直言極諫博通墳典達於教化軍謀宏遠堪任將帥政術詳明可以理人者委有司各舉所知限今年十月到上都天下具事由聞奏其天下州縣並委御史臺並出使郎官御史兼諸道巡院切加察訪近邊所置和糴皆給實價如聞頃來積弊頗甚美利蓋歸於主掌善價不及於村閭或虛招以奉於強家奏僦用資於游客若不嚴約弊何可除宜委度支精擇京西京北應供糧軍並和糴院官並營田水陸運使切加訪察仍作條流檢轄速具奏聞應停諸道年終勾並不許刺史上使並錄事參軍不得擅離本州委御史臺切加統舉内外文武見任並致仕官賜官爵有差神策六軍金吾威遠皇城將士普恩之外各賜勳三轉大長公主公主嗣王郡主縣主神策六軍金吾威遠皇城等諸軍將統軍以下兼將士等長行立仗及守本軍本營者各賜物有差鴻臚禮賓院應在城內蕃客等並節級賜陰山貴女來迓天孫會王明庭克親盛典念吾妹之將遠於禮賓而宜加其迴鶻公主別有賜物攝侍中讀實戶部侍郎平章事崔植各加一階撰冊文官中書侍

郎平章事崔植與一子正員官奉冊奉寶綬書玉冊書寶官各加兩階進寶綬進冊進中嚴外辦禮儀贊導押冊押寶綬昇寶冊官各加一階其餘應職掌行事官並寫制書太常脩撰儀注禮官並內定行事中使三品已上賜爵一級四品已下加一階仍並賜勳兩轉鑄造玉冊并墳金事造寶裝寶官等各賜五十段尊師重傅有國常經李逢吉韋綬薛倣丁公著等普恩之外各加一階如已至三品四品者賜爵一級天下百姓年九十已上委所在長史量加存恤孝子順孫義夫節婦先以旌表者亦量加優恤五嶽四瀆名山大川並自古聖帝明王忠臣烈士各令所在以禮致祭一作皆唐大詔令

大中二年正月三日冊尊號赦書 編制

門下我國家披皇圖以立極執大象以升中履父嗣孫作睿嗣

神宗重熙累盛逮予稽古聖孝紹復中興洗滌宿氛廓

開昌運天命不易賜予元符荷宗社之耿光致寰瀛之小

泰干戈載戢風順雨時北狄來賓西戎効職詔令豈予菲

薄沆此肅清皆中外元僚文武多士同心協贊而使之然

益用競慙以戒盈滿而乃累陳冊懇願上鴻名牢讓不從

瀝誠彌切於戲昔賢有云舜何人也我何人也苟或讓之

不遂予亦敢不思齊今百執事謂予曰聖敬敢忘湯武日

躋之詩謂予曰文思敢忘放勛欽明之典謂予曰和文敢

忘保大之功謂予曰光孝敢忘繼志之義以是自勗庶無

悔焉浮實之名既不獲已乘春之澤當務惟新可大赦天

此下朕一行凡二十  
二字

下自大中二年正月三日昧爽已前大辟罪已下已發覺未發覺已結正未結正繫囚是徒罪無輕重咸赦除之惟正犯十惡五逆已上故殺人及官典犯贓不在此限持仗行劫必欲害人苟遇支敵即行殺戮捍逆追捕肆意奸宄不懲此流無以除惡并故殺人者雖以自今已後稍更廣求如有未曾任刺史縣令居然有誠略才術為眾所推者亦任於諸色人中選擇為兩省官周之宗盟寔惟封建漢之子弟亦謂犬牙廣盤石之宗增維城之固當今源流遠大枝葉蕃昌王室子孫不合布素宜令本司檢尋譜牒明驗房從貧窮不濟未有身名者每房放一人出身如有父見在朝門蔭可自補身名者即不在此限應諸州府縣等納稅只合先差車牛優長戶近者多是權要及豪富之家悉留諸縣輸納致使單貧之人却須催脚般載從今已後須令有車牛豪富人戶送太倉及州府輸納其留縣並須先饒貧下不濟戶如有違越節級官吏重加科殿所在逃戶見在桑田屋宇等多是暫明東西便被隣人與所由等計會推云代納稅錢悉將砍伐毀折及欲歸復多已蕩盡因致荒廢遂成閑田從今已後如有此色勒鄉村老人與所由并隣近等同點檢分明分拚作狀送縣入案任隣人及無田產人且為佃事與納稅錢如五年內不來復業者任便租佃人為主逃戶不在論理之限其屋宇桑田樹木等佃人逃戶未歸五年內不得輒有毀除砍伐如有違犯據

根口量事情科責并科所由等不檢校之罪諸道州府應  
欠開成三年終已前因水旱不熟貸借百姓及軍用欠闕  
借便度支戶部鹽鐵錢物斛計積欠相承日月既久百姓  
或無本戶長吏累又改更全無本色可以支填所司徒有  
徵索之名終無送納之日虛繫簿書宜並放免三公僕射  
不常除官每至上時須有聚會委以府縣即須擾人宜令  
度支戶部勾當局席便取京兆府本色錢充不得令府司  
差配百姓吏部去年冬選人如聞多緣文字差錯所司駁  
放既添員闕亦可矜容若非身名踰濫及欠選欠考并準  
格不合收外其餘委吏部與重磨勘量收待殘闕比遠注  
擬上已重陽曲江宴會自有本色伍伯貫錢費用之間不  
合欠闕每聞差配百姓不免擾人從今已後宜令京兆府  
先與度支鹽鐵計料據所用一物已上除以本色錢物外  
如有欠少即委度支鹽鐵據數均給府縣不得輒配百姓  
其所市易並須先給付價錢如有妄配百姓買物不給價  
錢官吏等並準此同枉法贓例處分仍令御史臺切加察  
訪天下州府有官吏犯贓皆迺相蒙蔽不肯發明縱有申  
聞百無一二自今已後管內縣令有犯贓事發州司不舉  
者連坐錄事參軍有贓犯刺史不舉者坐刺史其刺史有  
贓事發觀察使不舉者連坐廉使則迺相檢轄功過可明  
各務清廉悉心爲政度支鹽鐵戶部三司茶綱欠負多年  
積弊斯久家業蕩盡無可徵索虛繫簿籍勞於囚繫者復

委本司各條流理聞奏如先將茶賒賣與人及借貸人錢物若文帖分明的知詣實即與帖州縣徵理如組織平人妄有指射推勘了後重加決責釋氏之教清淨爲宗將悟昏迷實資善誘上都除先置寺外每街更各添置寺五所東都除先置寺外更添置寺五所每寺各度五十人每處置僧寺三所尼寺二所西川荆南揚州潤州汴州太原河中襄州已上八道除先置寺外更各添置寺二所每處僧置寺一所尼寺一所諸道節度觀察使府除先置寺外更各添置寺一所其所置僧寺各度三十人諸道管內州未置寺處宜各置寺二所僧寺一所尼寺一所每寺各度三十人五臺山置寺五所如有見存寺便令脩飾充寺每數度五十人數內置尼寺一所已前添置寺宜並先度僧尼漸漸教化建造寺宇不得遽有勞役其僧尼年幾限約并諸條流準會昌六年五月五日赦條事例處分道濟生靈功成克伐晦明雖隔禮敬宜加唐功臣墳墓無子孫者不許砍伐委所在長吏差人巡檢爰念農耕是資牛力絕其屠宰須峻科條天下諸州屠牛訪聞近日都不遵守自今已後切宜禁斷内外文武任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉道宗魯聖禮洽虞賓式舉舊章以榮一作崇後嗣二王三恪及文宣公各賜物五十疋環衛星陳華夷雲集眷茲勞効俾示恩華神策六軍金吾威

遠皇城等諸軍將統軍已下各有賜物其將士等長行立  
 仗并守營者各賜物有差鳴臚禮賓院應在城內蕃客等  
 并節級有賜物澤貴流根宜頒祿秩義隆追遠用慰孝思  
 常叅官及諸州府長史父母見存未有官封者並量與五  
 品致仕官及階并邑號父母亡歿未經追贈者量與追贈  
 官及邑號攝侍中讀寶官攝中書令讀冊官各賜一子出  
 身撰冊文賜一子正員官奉寶綬官書玉冊官書寶官各  
 加兩階進寶綬進冊進中嚴外辦禮儀贊導押冊押寶綬  
 舉昇寶冊官各加一階其餘應職掌行事官太常脩撰儀  
 註禮官并內行事官三品已下賜爵一級四品已下加一  
 階仍並賜勳一轉鑄造玉冊官各賜物五十段中書門下  
 儀制官特加一階禮崇養老道貴旌賢爰示優恩以弘教  
 化天下百姓年九十已上委所在長吏量加存問孝子順  
 孫義夫節婦旌表門閭終身勿事先已旌表者亦量加優  
 卹川岳玄功聖賢幽贊宜因霈澤用薦馨香五岳四瀆宜  
 委本州長吏備禮致祭名山大川自古聖帝明王忠臣烈  
 士委所在以禮致祭亡命山澤挾藏軍器百日不首復罪  
 如初赦書有所不該者所司具作條例聞奏敢以赦前事  
 相言告者以其罪罪之赦書日行五百里布告天下咸使  
 聞知主者施行

元和十四年七月二十三日上一作冊尊號赦

編制

門下朕聞惟人戴后因事必極於推尊惟辟奉天有善必歸於讓德在敷景化以答玄功居有勞謙之思進多蒲假之懼緬自遂古何嘗不由是而致理焉朕獲纘曆圖祗膺神器上奉大祭下安群生恭已臨軒競懷馭朽志欲周於四海念常切於一夫旰食宵興唯恐失墜運屬休泰時丁小康方隅廓清氛祲銷盪斯乃上荷乾坤之垂祐宗社之降靈下賴卿士之叶心戎臣之宣力端拱嚮道推誠任能豈予寡昧用集丕績况至化猶鬱勤憂未寧而中外臣僚文武多士累陳懇疏並進昌言願獻鴻名以增虛美詎衆心而率籲轉切顧眇身而內愧靡安乃操吉辰爰受典冊經告于清廟虔聞于昊天當茲盛儀夕惕增厲於戲朕自御極再加景號在徽章而孔備諒浮實而多慙宜因行慶之辰誕布惟新之澤與物咸遂永孚于休可大赦天下自元和十四年七月十三日昧爽已前大辟罪已下已發覺未發覺已結正未結正繫囚見徒罪無輕重咸赦除之唯故殺人及官典犯賊不在此限左降官量移近處已經量移者更與量移如復資者即任赴選集丁憂去任服闋日亦與量移如有親故在上都任於所司陳狀便與處分不必更待本州申請如準前制已合量移有司未註擬者並任累叙并別勅因責授降資正員官所司亦與處分亡官失爵放歸不齒者量加收叙流人移隸等並與量移近處僧尼道士移隸者得罪人已亡歿家口未放歸者一切放



歸如自情願住者亦聽住左降官及流人先有官者如有已亡歿各還本土應反逆緣坐配流在遠處身已亡歿者如有親戚任便歸葬棄瑕宥過既成達於幽明錄善舉才庶無遺於廢滯或中外前資見任官如有因瑕累未階錄用并左降官事情可恕才行足稱者宜委中書門下量加簡拔隨能錄用妖兇久阻污脅所加今既盪清宜從洗滌其淄青舊管內官吏將士百姓等縱有跡同惡逆掛涉流言事在往時一切不問維新之後仍不得遮相糺告革其弊俗阜彼遺人切在分憂期於共理卽曹濮淄青沂海等三道百姓久淪寇境皆被殘傷宜委本道觀察使刺史設法綏撫務令安輯勲籍所著常典必行常恐踰時無忘終食應平淄青諸道立功將士宜委本道速準前勅條疏開奏當與甄獎自經討伐鋒刃所交言念傷殘每深憫惻其淄青舊管四面官軍陣亡將士等已有前勅處分收葬量事致祭其是賊徒遺骸委在中野者亦委所在州縣速與掩瘞輦較之下萬邦所瞻封畿之內百役斯集未言凋瘵是用蠲除其京畿諸縣今年秋稅戶青苗及秋冬季權酒錢每貫量收放四百文從元和五年已前諸縣百姓欠負錢物草斛斛等共一十三萬五千一百一十三貫石速委京兆府踈理具可放數聞奏天寶已後戎事方殷兩河宿兵戶賦不入軍國費用取資江淮繭絲所收寧免加厚物力有限水旱相因歲月既深凋瘵亦甚眷言及此憫歎良多

今上天垂休氛沴清息師旅之後又茲豐穰省事恤人庶  
乎惠養其淮南浙江東西宣歙江南湖南福建山南山東  
荆南等九道今年秋稅錢合上供者每貫量放三百文度  
支其今年秋稅留州留使錢并鄂岳共十道每貫量放一  
百文度支元和五年已前諸道州府監院送省除前制放  
免外諸色欠負逋縣錢物等共四百二十八萬八千八百  
貫石等監院鹽鐵使從貞元五年已後至元和五年已前  
制踈理量放外應負諸色錢物斛斛共三百三十二萬二  
千一百五十一貫石等戶部從建中三年已後至元和九  
年已前除前制踈理外諸色欠負錢物共計五十三萬九  
千四百六十四貫石等並委本司踈理具徵可放數聞奏

御史臺及秘書省等三十二司公廨及諸色本利錢其主  
保逃亡者并正舉納利十倍已上攤徵保人納利五倍已  
上及展轉攤保者本利並宜放免其正舉未至十倍亦委  
御史條疏聞奏京城內私債本因富饒之家乘人急切終  
令貧乏之輩陷死逃亡主保既無資產亦竭徒擾公府無  
益私家應在城內有私債經十年已上本主及原保人死  
亡又無資產可徵理者並宜放免比來州縣多不定戶貧  
富變易遂成不均前後制勅頻有處分如聞長吏不盡遵  
行宜委觀察使與刺史縣令商量三年一定必使均平其  
京兆府亦宜準此河隴迥遠風沙早零動切烟塵之虞居  
勞晝夜之警方加拊勉寤寐在懷緣邊諸軍自今已後所

給衣賜及軍糧價直宜委支稍加優恤展材効用既竭忠勞行慶覃恩所宜優給内外文武見任及致仕官三品已上賜爵一級四品以下加一階仍賜勲兩轉神策六軍金吾威遠皇城諸道將士等普恩之外賜勲三轉諸道將士經淮西淄青兩度立功者更賜勲兩轉詩歌有客王道攸存禮著先師儒風載闡永懷後嗣寧忘加恩二王三恪及文宣公賜物五十疋仁親爲寶睦族是先霈澤所行用頒慶賜大長公主長公主嗣王各有賜物宸居所拱禁衛斯嚴寄切爪牙効彰忠勇恩榮素厚寵錫宜周神策六軍金吾威遠皇城等諸軍將軍已下各有賜物其將士等長行立仗者并守本管者每人各賜有差四夷來庭萬里觀禮

柔遠之義恩不可遺鳴臚禮賓院應在城內蕃客並節級賜物昭受冊典永垂鳴休皆惟皇臣克贊盛禮崇階高爵任子延恩式示寵章以明酬獎讀冊官侍中韓弘讀寶官戶部侍郎平章事皇甫鏄並加一階已至三品者賜爵二級撰冊文官中書侍郎平章事崔群與一子正員官奉冊寶綬書玉冊書寶官加兩階進寶綬進冊禮儀贊導押寶綬舉昇寶冊官加一階其餘應職掌行事官寫制書官太常脩撰儀注禮官并内侍省行事官三品已上賜爵一級四品已上各加一階仍賜勲兩轉鑄造玉冊并填金字造寶官等各賜物五十段每懷先正尚想舊勲將以勸忠故茲進錄故尚父子儀贈太師晟贈太尉秀實各與子孫中

一人八品官張巡許遠南霽雲顏杲卿真卿各與子孫中  
一人出官陝州元從奉天定難功臣三品已上普恩之外  
賜爵一級四品已上更賜勳三轉身歿未經追贈者宜與  
追贈太學崇儒教化根本兩都國子監館宇如有隳壞處  
宜令本司計料聞奏當與脩葺官屬師氏委中書門下及  
所司精慎選擇用賢納諫常所虛心計科求人抑有古典  
天下諸色人中有賢良方正能直言極諫博通墳典達於  
教化軍謀宏遠堪任將帥詳明政術可以理人者委中書  
門下尚書御史臺及諸司四品以下清望官五品已上清  
望官諸道觀察使刺史各舉所知仍限來年正月內到上  
都朕當親自策試宗子中如有才行可稱者委宗正寺及  
所在長吏具以名聞仍委中書門下量才叙用國典舊章  
墜廢滋久者各委本司條疏奏請當議施行元和元年己  
來制報處分有未遵行者委御史臺提舉聞奏大明黜陟  
署在格言所以考官吏之濁清究黎人之利病救我化理  
屬于使臣宜委中書門下選黜陟使分巡天下恤其耆老  
必及於州閭表其行義用敦乎風俗天下百姓年百歲以  
上各賜米五石絹二疋純綿一色羊酒有差九十以上各  
賜米三石絹兩疋仍令本縣令就家存問孝子順孫義夫  
節婦旌表門閭終身勿事先已旌表者量加優卹祀典所  
載朝章是崇或美利在人或遺風可慕必資申敬乃副予  
誠五岳四瀆宜委本州府長吏備禮致祭名山大川及自

文苑英華卷第四百二十二  
古聖帝明王忠臣烈士各令所在以禮致祭亡命山澤挾藏軍器者百日不首復罪如初赦書有所不該者所司具作條例聞奏敢以赦前事相告言者以其罪罪之赦書日行五百里布告天下咸使知聞

七月十二日授正四十二字別据唐詔令補文三葉 汲叔

文苑英華卷第四百二十二

翰林制詔四

赦書四

尊號赦書二

寶曆元年四月二十日冊尊號赦文

編制

門下朕聞奉天地之大統必酌于人心荷宗祖之誠訓必參于國典顧惟眇身守任重器道未能被物德不足蓄身賴于宗工碩老輔導丞弼享祧主詔令 鬯熏燎告玄履曆正元敷施大號庶方咸若四表穆然皇祖披攘之基列聖焦勞之業恬焉而有泰焉而居晝以度心夜以省已其何德以堪之方將法乾以行健體咸而致和執冲以固高守約以持滿而文武百辟章奏四上以爲人心不可以曲讓

國典不可以矯違亦用慰于太皇太后皇太后之意屈而後俞諒非獲已豈不以予非生知欲以微稱懿號誘掖勸慕之手將使循名而勉其實力實而應其名乎然則予方且以為常弦方且以為箴誥懋于皇極庶無尤違是宜與物同利惟新大澤可大赦天下自寶曆元年四月二十二日昧爽已前大辟罪已下已發覺未發覺已結正未結正繫囚見徒罪無輕重咸赦除之惟故殺人及官典犯贓不在此限應左降官未經量移者宜與量移近處丁憂去任服闋日亦與量移如准前制已合量移有司未注擬者並任累叙流人未到所在及已到未經量移者並與量移近處僧尼道士移隸未經量移者並一作亦與量移近處中外

前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯授田制祿歲久而弊深留獄要囚期舒而濫廣隱冒啓逃姦之漸倍稱成豪奪之源亟舉舊章猶循宿蠹永言謀始必俟申明在京百司職田散在畿內諸縣舊制配地出于逐畝平攤比量舊制孰為久便宜委京兆府與屯田審計會條疏奏聞如京城諸司捕繫推搡經旬時每季御史巡囚罕能察訪舉劾積成寃滯為弊頗深宜委御史臺重舉用長慶元年七月十八日赦文條件聞奏京畿百姓多屬諸軍諸使或戶內一人在軍其父兄弟不受府縣差役頃者頗有制勅處分如聞尚未遵行宜委京兆府重舉用長慶

元年七月十八日赦文條疏聞奏應京城內有私債經十年已上曾出利過本兩倍本主及原保人死亡並無家產者宜令臺府勿為徵理應天下典貼得人庄田園店等便合祇承戶稅本主收贖之日不得引令式及言私契組織貧人令煩而政撓積習而弊生欲其適宜須有釐革使人不倦必在變通今年正月七日制勅處分條目中有未經施行者委御史臺令提舉仍條錄聞奏宜委百司官長各具條疏當司利病奏聞擇其善者當議改更弘文崇文館生及齋郎三衛所用資蔭踰濫頗多澄源清流切在釐革宜委禮部兵部侍郎條疏以久遠可行用者兼每蔭別限年限明作條例聞奏懋官述職御示侮宣威暨于庶僚咸竭乃力峻其爵秩以極封崇內外文武見任及致仕官三品已上賜爵一級四品已下加一階仍賜勳兩轉神策六軍金吾威遠皇城將士普恩之外各賜勳兩轉列虞賓之位崇褒聖之胤所以闡德教而昭前烈也二王三恪及文宣公各賜物三十疋朕上奉兩宮下臨九有庶幾廣愛之道以行教化之風太皇太后皇太后二等已上親委中書門下約舊例量加優賞二廣分營六師環衛梯航貢奉玉帛會同既勤勞而可嘉亦懷來之所尚神策及六軍金吾威遠皇城等諸軍將軍統軍以下各有賜給其將士等長行立仗者弁守本軍本營者各賜物有差鴻臚禮賓院應在城內蕃客等並節級有賜物宣贊盛禮潤色鴻徽爰錫寵

於崇階亦推恩於任子攝侍中讀寶官門下侍郎平章事  
竇易直攝中書令讀冊官中書侍郎平章事李程各賜一  
子出身撰冊文官左僕射平章事李逢吉宜依舊例賜一  
子出身正員官奉冊奉寶綬官書玉冊官書寶官各加兩  
階進寶綬進冊中嚴外辨禮儀贊導押冊押寶綬舉昇寶  
冊官各加一階合入三品者待考足日聽叙合選人減一  
選其餘應職掌行事官及駕制書官太常修撰儀注禮官  
拜宮內行事官三品已上賜爵一級四品已下加一階仍  
並賜勳一轉造玉冊并填金字造寶裝官各賜五十疋前  
王之令政未有遺年前哲之格言寔先顧行義存忠厚教  
裕家邦天下百姓九十已上委所在長吏量加存問孝子  
順孫義夫節婦旌表門閭終身勿事先已旌表者亦量加  
優卹生甫炳靈出圖表異故能發洩雲雨蓄涵風雷望秩  
之儀必資蠲潔五岳四瀆宜委本州府長吏備禮致祭名  
山大川及自古聖帝明王忠臣烈士令所在以禮致祭亡  
命山澤挾藏軍器百日不首復罪如初赦書有所不該者  
所司具作條例聞奏敢以奏前事相告言者以其罪罪之  
赦書日行五百里布告天下咸使聞知

會昌二年四月二十三日尊號赦文 編制

門下昔我高祖太宗始造區夏闢乾坤以覆載竭日月以  
照臨盛德耿光格于上下昊天有成命我二后受之列聖  
丕圖克大其緒文綏武靖奕葉連枝逮予繼修罔敢失墜



誠欲追縱在昔貽範將來陶末俗於至和返大朴於已散而道不足以居域中之大文不足以成天下之化恭已南面夙興夕惕遐想理古歎然于懷至於嗣歲豐稔寰海康靜祇泯滅息華夷大同茲實監祐自天匡救在下諒非已出安敢自多而三台百辟陳忠瀝懇加我大號其何以堪謂予守文宜述先志抑而不行者三請確而不拔者群誠豈貪在已之名始念從人之欲祇應典冊良深惕勵於戲顏子匹夫也猶曰舜何人哉矧有其位行其教化而不思齊其道也尚念交修俾克用又今維夏長養之時動植之物莫不自遂思有以導迎和氣生活吾人是用稽犧經之作解法虞書之肆赦推恩宥過思與詔作與物同休可大赦天下

下自會昌二年四月二十三日昧爽已前大辟罪已下已發覺未發覺已結正未結正繫囚見徒罪無輕重咸赦除之唯犯十惡叛逆已上故殺人及官典犯賊不在此限應左降官恩赦後未經量移者與量移近處丁憂去任服闋日亦與量移如準前制已合量移有司未注擬者速與處分流人未到所在及已到未經量移者並與量移近處僧尼道士移隸未經量移者亦與量移近處中外前資見任官頃因延累未及用才并左降官中有事情可恕名跡素聞者宜委中書門下量加獎用勿使屈滯俗未臻於富庶念每切於黎元衣食寡克吁具興嘆百司田疇地有高低歲有善惡傷於水潦則低地不稔稍遇亢旱即高處無苗

近聞州縣長吏掩其災損務求辦集唯於熟苗上加徵將  
填欠數致使黎元重困惠養全乖自今後州縣百姓有遭  
水旱苗稼不收處檢驗不虛更准前後勅文被免不得加  
徵熟田人戶令本配額外重出斛斛商通百貨士奉公程  
俾無行旅之虞在去萑蒲之聚應州郡連帶江湖常多寇  
盜結構群黨潛蓄弓劍殘害平人剽劫財物道途商賈常  
患不安方今海內無虞所宜普奏委諸道節度防禦使如  
界內帶江山淮海處切加警備仍差巡檢更於要害處加  
置軍鎮捉搦擇有機畧軍將鎮守遊奕明立賞罰如能設  
計擒獲賊黨二十人以上已上并獲贓物推問行劫蹤跡分明  
者量其功蹟節給優賞仍與遷職如界內有劫殺不能捉

獲者亦節級重加懲責仍委出使郎官御史及所在巡檢  
院切加訪察不得更使因循邊戍禦扞戎夷士卒衣糧最  
爲切事如聞逃亡浸廣營壘多虛又供給公私皆率官健  
妻孥困乏不免飢寒委本道節度使與監軍使躬親點閱  
據逃死欠闕人數使取軍中少壯有武藝子弟填替不得  
遣有虛名其見在將士衣糧皆湏及時給付正身不得輒  
有減刻別將支用令其凍餒仍委出使郎官訪察聞奏有  
違當案覆科貶抑強扶弱實王道所先賦役以均則窮人  
靡怨度支鹽鐵戶部諸色所由茶油鹽商人準勅例條免  
戶內差役天下州縣豪宿之家皆名屬倉場鹽院以避徭  
役或有違犯條法州縣不敢追呼以此富屋皆趨偉門貧

者備當使役其中亦有影庇其疑作偽難分自今已後委

本司條疏應屬三司及茶鹽商人各據所在場鹽正額人

名牒報本貫州縣準勅文處分其茶鹽商仍定斤石多少

以為限約其有冒名接脚短販零少者不在此限其小舖

所由主人牙郎火夫牛戶內父兄弟并在任州縣依例使

例所冀勞逸稍均疲人蘇息給事郊廟之服奉繭絲之稅

蠶桑是繁封植攸資宜設科條用絕違犯勤課種桑比有

勅令每年奏聞如聞都不遵行恣為剪伐列於市肆鬻為

柴薪州縣宜禁斷不得輒許更賣犯者科違勅罪理貴便

人事存可久苟非撫實則昧適時州府兩稅物斛斗每年

各有定額徵科之日皆申省司除上供之外晉後晉州

於額內方圖給用縱有餘羨亦許州使留備水旱其晉使

錢物更令諸道分析破用去處所立文帳皆是構虛文百

姓墾田承前已申頃畝及斛斗單數近年又令其具人戶稅

錢等第墾田水陸頃畝挾縣鄉分析析徒為繁弊無益政途

今年已後並宜停送州縣攝官假名求食尚懷苟且不恤

疲人其闕少官員處並委本州刺史於當州諸縣見任官

中量閑劇分配公事勾當如官員數少力實不逮處即於

前資官中選擇清謹幹用者差攝不得取散試官充職制

祿授田著於定制貪猾利已不修舊章應畿內在京百司

職田方訪聞本地多被狡吏及豪強平直隱蔽廻換遙指荒

閑墾薄田地即配與浮客佃食危被豪吏欺隱如或因循

...

不存勾當官吏等必當節級處分使命經行供備夫役既  
隳額例事頗姦欺須議舉明以全物力江淮兩浙每驛供  
使水夫價錢舊例約十五千已來使過元額須別供舡夫  
近日相承取索無度從蘇常已南每驛便供四十餘千或  
界內或四五驛往來須破四五百千宜依往例不得數外  
妄供如更有違長吏已下節級書罪立政之本所務均平  
設法之源在絕僥倖京畿諸縣太常樂人及金吾角子皆  
是富饒之戶其數至多今一身屬太常金吾一門書免雜  
差役今日已後只放正身一人差使其家下並不在影庇  
限涉歷吏事蓋崇理本自因近制却啓僥倖門太和九年十  
二月十八日勅進士初合格並令授諸州府參軍及隰縣  
簿尉未經兩考不許奏職蓋以科第之人必弘理化黎元  
之弊欲使諳詳非唯可塞僥倖門實亦用懲澆俗近者諸州  
長吏漸不遵承雖注縣寮多縻使職苟從知已不顧蒸人  
流例寢成侵費不少况去年選格更當府充職一人從事  
兩諸科錢虛占吏曹正員不親本任公事其進士宜至合  
選年諸道依資奏授州縣官即不在兼職之限武官選用  
本求才藝近日入仕多門虛偽轉甚就中兵部武選其弊  
尤深都無本根妄兼甲曆但求遷轉莫可討尋其武選且  
傳見任武官即仰依前守職仍差官量與修甲曆得甲曆  
定然後許前資赴集輦轂之下諸色人中非吏非商閑行  
遊手惣名趨事潛得容奸自今後有自謀職任私用貨財

詭計多端經過朝貴者委御史臺京兆府嚴加察訪捉搦  
畿甸賦繁園陵至重先事立制冀免虛勞親陵栢栽每歲  
添補約力計費役用至多歲久而不見其功人勞而未除  
其弊蓋由栽植動土須先奏聞待勅下有司及擇日到縣  
已過期限豈盡施功空閱數以計傭皆朝種而夕朽自今  
已後每至歲首委有司於正月二月三月八月四箇月內  
擇動土利便之日先下奉陵諸縣分明榜示百姓至時與  
設法栽植畢月縣司與守管使同點檢據數牒報與折本  
戶稅錢高秩峻級榮蔭子孫蓋寵勞能著存令式近者漸  
寡廉樸多補名身不獨假蔭近房兼有規求厚利選曹既  
闕磨勘長吏不聞糾繩此弊公行吏途太濫自今後並須  
準格用蔭人數年限不得逾越委吏部及御史臺嚴加  
察據其選授官到本道本州須審磨勘稍疑踰濫及察知  
冒賣資蔭便收禁牒報有司懋官述職禦侮伸威暨于庶  
僚咸竭乃力峻其爵級以極封崇内外文武見任及致仕  
官三品已上賜爵一級四品已下加一階仍賜勳兩轉神  
策六軍金吾威遠皇城將士普恩之外各賜勳兩轉位列  
虞賓冑崇褒聖所以闡德教而昭前列也二王三恪及文  
宣公各賜物五十疋二廣拱辰五營列衛明庭執玉航海  
會朝念申力以賞勞示懷柔而優寵神策及六軍金吾威  
遠皇城等諸軍將軍統軍已下各賜物有差鴻臚禮賓院  
應在城內蕃客等並節級有賜物光贊典冊發揮鴻名實

賴重臣共揚休烈爰推恩以廣愛亦峻級以崇階攝侍中  
讀寶官中書侍郎平章事李紳攝中書令讀冊官右僕射  
兼中書侍郎平章事崔拱一作拱各賜一子出身撰冊文官  
司空兼門下侍郎平章事李德裕賜一子出身正員官奉  
寶綬官書玉冊官書寶官各加兩階進寶綬進中嚴外辨  
禮儀贊導押寶冊官各加一階餘其應職掌行事官三品及  
寫制官太常修儀注禮官并內行事官三品已上賜爵一  
級四品已下一階仍并賜勳一轉鑄造寶冊并填金字造  
寶裝玉冊官各賜物五十段養老引年旌閭表行冀弘忠  
厚之俗以振節義之風天下百姓年九十以上委所在長  
吏量加存問孝子順孫義夫節婦旌表閭閻終身勿事先  
已旌表者亦量加優卹降神表峻出寶應圖秩視公侯德  
穰災患式崇明祀咸薦吉蠲五岳四瀆宜委本州長吏備  
禮致祭名山大川自古聖帝明王忠臣烈士各令所在以  
禮致祭亡命山澤挾藏軍器百日不首復罪如初赦書有  
所不該者所司具作條例奏聞敢以赦前事相告言者以  
其罪罪之赦書日行五百里布告天下咸使聞知主者施  
行

七月十二日校西五十三字

文苑英華卷第四百二十三

文苑英華卷第四百二十四

翰林制詔五

赦書五

禋祀赦書一

赦書

沈約

門下朕昧且一作爽夙興念茲治道而明不燭遠弘之未易

仰尋先烈思致隆一作平頃多故戎役一作車代有軍政

國容事緒非一刑禮參用未臻和簡何隅之情永言增歎

今郊禋載洽幽明允從思隆一作崇嘉祉被之兆庶可大赦

天下主者施行一作皆初學記

南郊恩詔

前人

門下卜日禋饗政道莫先厚下布澤哲王是務朕仰祗靈

眷俯臨億兆歲象迴環恭事亡及牲玉必荐感敬備申升  
煙燎於穹昊致精誠於太一思霑可切潤惠茲窮生  
應天監三年內犯奪勞及左降可悉原降繼市職不充人  
身及家口質繫悉散還私家督備前歲三五犯譴因及隨  
曹景宗授司州委叛應謫役者並量所蠲降尚書所檢巧  
陳淫辭普更開恩百日各聽自首不問往罪京師三縣尤  
窮之民詳加賑恤主者速條格施行

南郊恩詔

前人

門下朕肅膺乾賦君臨率土雖日晏劬勞而仁恕未洽星  
瑄驟迴履端告始裡饗云備誠敬廉疑作申宣和布澤情  
深待旦凡內外文武可各賜勞一年叛亡未擒若百日內

自首還役不問往罪女子質繫悉且散遣文書輕重坐罪  
並皆從原主者詳為條格疾速施行

南郊赦書

張九齡

大詔令作開元十一年南郊赦書

門下朕獲主三靈于今一紀聽政中晏每不敢康觀書乙

夜將求諸道頻年已來每思至理詔令作為或遠人不率

或嗣歲不登淳朴未還惕厲斯在為人上而懃德奉天明

以畏威故祝史宣辭必期於陳信郊丘備禮將俟於昇平

今正宗廟降靈克開厥後乾坤交泰保合太和麟鳳龜龍

玄符黃瑞之祉蠻夷戎狄梯山航海之琛莫不日月以聞

道路相屬顧惟不德承茲休運欽若昭報疇咨故實所以

今年獻春恭祠詔令后土季秋吉日追崇九廟採必先於



魯集作經稽肆類於虞典爰因長至欽謁上玄告受命之  
元符昭嚴配之成績大典云備至誠克展諸侯駿奔來於  
穆之相百神受職率咸秩之文六變已陳三獻斯畢蓋春  
秋之大事莫先乎祀王者之盛禮莫重於郊柴燎克終感  
慶罔極豈予一人之福亦爾萬邦之賴宜因咸和之際俾  
承厚下之澤可大赦天下自開元十一年十一月十六日  
昧爽已前罪無輕重已發覺未發覺已結正未結正繫囚  
見徒大辟罪已下咸赦除之其十惡死罪造偽頭首劫賊  
殺財主在不赦例就中仍慮有冤濫者所司具狀送中書  
門下盡理詳覆奏聞朕將親覽其有亡命山澤挾藏軍器  
百日不首復罪如初敢以赦前事相告言者以其罪罪之

并壇行事官及供奉官三品已上賜爵一級四品已下加  
一階諸獻官并準此并壇例内外文武官及致仕并前資  
陪位者賜勳一轉緣大禮有職掌并押當者更加一階齋  
即並放出身皇親諸親陪位未出身者並放選已出身者  
賜勳一轉親王公主各與一子官三品衛監門黃衣長上  
飛騎萬騎并仗内雜色人在齋官宿衛及諸色人有資勞  
人緣大禮有職掌并流外行署預見大禮者亦賜勳一轉  
其充香爐執扇及禮生祝史贊者賜勳外簡日選優與處  
分兵士宿衛齋官并諸色無資勞緣大禮職掌及京兆府  
百姓緣南郊祗應者各免其家一年雜科差南北衛將軍  
率中郎將宿衛齋官者並同升壇例其諸軍節度大使及

三都留守雖不陪位委寄既重特宜同升壇官例百歲老人賜綿帛五段菜五碩縣令至其家存問給付孝子順孫義夫節婦旌表門閭終身勿事已旌表者量加優恤諸州百姓或因逢水旱流寓未安者宜令所司與朝集使即作賑乏一作恤安輯法奏聞其單貧衛士番鎮又次令州府長官簡擇灼然者放免番役征行人家州縣檢校勿使侵欺磧西鎮人途路懸邈一作遠特宜賜勲一轉鰥寡惇獨亦令州縣倍加矜恤使得存濟元置義倉救人不足承前貸百姓糧及種子未納者並放免不得却徵自古聖帝明王忠臣烈士名山大川並令所管致祭其已得贖官人并輕詔令作輕累未得處分非老弱疾病猶堪處事者量加收叙使免失職其左貶官非逆人五服內親及犯贓賄名教者所司責勘奏聞量移近處其官人有清白政術堪任刺史縣令及抱器懷才不求聞達者州長官具以名薦宗室中有孝悌才術為衆所知仍在卑任者委宗正具以名奏君臣一體休戚共焉朕欽承天命恭傳大寶蓋憑累祖餘業得一之符亦由群公舊勲不二之力永言繫賴其敢忘之自武德已來實封功臣知政宰輔有身無大故而亡官失爵封子孫淪屈者所由勘實具以狀聞存者可籌其官榮逝者當錄其胤嗣使幽明同慶知有今辰亞獻邠王守禮終獻寧王憲各賜物一千疋捧俎申王搗夾侍岐王範薛王業各賜物柒百疋侍中源乾曜中書令張說兵部尚書同中書門

下三品王駿各賜物伍百疋正衣駙馬都尉王守一王繇  
温曦宗正少卿崔澄各賜物三百疋二王後賜物一百五  
十疋壇場使京兆尹孟温禮賜物二百疋脩造羽儀使賜  
物一百疋脩撰儀注官五品已上賜物一百疋六品已下  
賜物七十疋自餘陪位預宴官一品賜物一百疋二品三  
品八十疋四品五品六十疋六品七十疋七品四十疋八品九品  
三十疋鴻臚諸蕃使與見大禮及在本蕃王侯大酋長並  
同宴會例給賜郡主縣主各賜物八十疋緣大禮數處有  
職掌者任於一頭從高叙天下州府賜酬三日京城五日  
前任所在百姓村坊宴樂不得科率聚飲其有處分未該  
者令所司及本使比類奏聞赦書日行五百里主者施行

東封赦書

前人

門下朕聞天監惟后后克奉天既合德以受命亦推恩而  
復始厥初作者七十二君道洽德集作著時至符出皆用  
事于介丘升中於上帝人神之望盖有以塞之皇王之序  
固可得而言也朕接統千歲承光五葉惟宗祖之德在人  
惟天地之靈作主往有内難幽贊而集大勲間無外虞守  
成而續舊服未嘗不乾乾終日思與公卿大夫上下叶心  
聿求至理以弘我列聖其庶幾乎馨香今九有大寧群氓  
樂業時必敬授而不奪物亦順成而無夭懋建皇極幸致  
太和泊乃幽遐率由詔令感被戎狄不至集作唯文告而  
來庭麟鳳已臻將覺悟而在藪以故凡百執事亟言大封

顧惟不德初欲勿議伏以先聖儲社與天同功荷傳符詔

作慶以在今敢侑神而無報大節斯在朕何讓焉遂奉遵高

祖太宗之業憲章乾封之典時邁東土柴告太岳詔令作

作宗精意上達盼嚮來應信宿行事雲物呈祥登降之禮

斯畢嚴配之誠詔令獲展百神群望莫不懷柔四方諸侯

莫不來慶斯事天道之介福邦家之耿光也無窮之休祉

豈獨在予非常之惠澤宜其逮下可大赦天下自開元十

三年十一月十三日昧爽已前大辟罪已下罪無輕重已

發覺未發覺已結正未結正繫囚見徒咸赦除之唯十惡

死罪不在此限詔令流人未達前所者放還其有挾藏軍

器亡命山澤百日不首復罪如初敢以赦前事相告言者

以其罪罪之內外文武官三品已上賜爵一等詔令四品

已下加一階邠王守禮寧王憲岐王範薛王業各與一子

三品官公主嗣王郡主縣主各與一子官其應文武行從

官加階之外並賜勳兩轉三衛引詔令駕細引黃衣長上

飛騎曠騎先有武散官者加兩階未給武散官者各賜勳

兩轉衛士馬主戎車主幕士掌閑供膳太常及仗內音聲

人行署及蕃官七色并別勅雜色定名行從人亦賜勳兩

轉緣大禮登山供奉侍從行事舉脚等官三品已上特賜

一階仍與一子官四品已下特賜一階仍賜勳兩轉量與

進改其四軍別抽登山宿衛及諸司上山執當官三品已

上賜爵一等仍與一子出身四品已下加一階賜勳兩轉

亦量進改其白身人及行署蕃官放蕃選其山下昇壇行  
 事官三品已上加爵一等賜勲一轉四品已下加一階賜  
 勲一轉選日稍優諸獻官及宿衛齋宮將軍率中郎并即  
 將并兩京留守諸軍節度使並同昇壇例諸有職掌押當  
 非昇壇例諸有職人加一階選日優量其加階應入三品  
 五品人非特賜者並依十一年三月二十八日勅節限齋  
 即禮生見任官前資官已上人並依資量材與處分未出  
 身者放出身皇親別勅承勅詔令無此字恩陪位者亦準此諸  
 州岳牧四府長史朝覲陪位者泛階之外各賜勲一轉諸  
 方使人及諸州父老宗姓并從家子孫至岳不得陪位者  
 並賜勲一轉賜物五段諸州及兗州道僧至岳見大禮者  
 並賜物五段孔子後褒聖侯量才與處分天下致仕官各  
 依本品賜一季祿并束帛其陪位者仍賜勲一轉諸蕃侯  
 王酋長來會禮者各加一官至都節級並與賜物其入朝  
 留在邊軍人亦準此其蕃中知一作候衙官刺史縣令並  
 賜物及袍帶突厥可汗小殺等諸國王守護塞垣歲月朝  
 貢並宜賜物附副使將往侍老年百歲已上者版授下州刺  
 史婦人版授郡君年九十已上者版授上州司馬婦人版  
 授縣君年七十已上者版授縣令并婦人並級量賜粟帛  
 其預見大禮侍老各別加侍下一人孝子順孫義夫節婦  
 旌表門閭終身勿事行人之家及鰥寡惇獨并疾病不能  
 自存者委州縣長官倍加存卹諸軍行有文武散官已上

文苑英華

乃

者加一階白身者賜散勲一轉欠負官物逋懸租調並宜

放免其行過州縣供頓劬勞并貼頓百姓有雜差科并車

馬夫役者並免一年租賦詔令交州免二年租賦詔令當

頓官人始末不絕者與中上考仍賜勲一轉朕未惟王業

繫賴舊勲元首股肱其猶一體自武德已來功臣宰輔或

名存王府遺嗣沉淪或身無大故銜屈泉壤宜令所司訪

擇申理唐元六年六月二十六日按唐書唐隆元年六月

二元景雲今赦文避玄宗諱隆故作立功官人往屬艱難

能盡忠義今成大禮何日忘之宜各與一子出身無子者

任回與周親之人有司試策三道等第收獎朕躬陟天門

宿齋日觀時屬嚴冬雪後初夜風寒朕因露立祈恩誓欲

代人當咎俯仰之際頓息霜飈奠獻之晨變同韶景誠荷

上天垂祐亦賴靈山吐祥詩云無德不報宜封太山神為

天齊王禮秩加三公一等宜令所管崇飾祠廟環山十里

宜集此禁其樵採給近山二十戶復以奉神祠率土之內

賜脯五集作日任於村坊內宴樂不得聚詔令歛煩勞其

節文有未霑及者所詔令司比類奏聞其封祠集作有數

處行事者從一處叙赦書日行五百里主者施行

后土赦書

前人

門下昔者巡狩所至柴瘞所在蓋取誠享以遵告類朕恭

承祖宗之烈獲主神祇之祀夙夜祗畏不敢荒寧故勒兵

朔陞先展義於汾詔令杜迴旆睢上遂有事於郊壇王者

詔令作七日

父事天母事地漢氏祈穀未始正名周禮降神乃為徼福  
 而已朕以天命之重子道為先惟茲精誠在乎敦孝庶蒙  
 福於四海期永康於兆人是以率由舊章敬恭明祀嚴配  
 之誠既展奠獻之禮又終且春秋之義大事在祀齋祭之  
 福庶品維祺豈獨在予而有斯慶可大赦天下自開元二  
 十年十一月二十一日昧爽已前大辟罪已下罪無輕重  
 已發覺未發覺已結正未結正繫囚見徒常赦所不免者  
 咸赦除之官人犯贓及有罪詔令被推者本罪雖原不得  
 更令却上仍別與處分自先天詔令已來有雜犯流移  
 人等并配隸人等各量移近處左降官未經量移及經量  
 移未復本資者奏聽造旨詔令天下遭損免州應損戶成

詔令 作減 一分已上者及供頓州無出今年地稅如已徵納聽

折來年地稅逋租懸調貸糧種子欠負官物在百姓腹內  
 者並宜放免其不損免州自開元十七年已前所有

貸糧種子負欠官物在百姓腹內者亦宜準此諸州緣供

頓所差貼助夫亦放其家今年地稅孝子順孫義夫節婦

旌表門閭終身勿事諸州侍老百歲已上賜粟七石九十

已上賜粟五石八十已上賜粟三石所由速付勿淹旬日

太原潞府侍老等先已加恩不在此例亞獻皇太子鴻賜

物二千疋終獻慶王澤賜物一千疋邠王守禮寧王憲薛

王業各賜物一千疋忠王浚已下各賜物三百疋夾侍正

衣進珪捧珪汝陽郡王淳等各賜物三百疋皇太子夾侍

正衣各賜物一百五十疋裴光庭蕭嵩弼亮朕躬弘益斯遠不有優異何殊等夷詔令加階賜爵之外各與一子官

無子者任與周親仍各賜物三百疋二王後各賜物二百疋長公主各賜物三百疋嗣王郡主縣主各賜物二百疋

行從文武官三品已上賜物八十疋四品五品賜物六十疋六品七品賜物四十疋八品九品賜物二十疋昇壇官

三品已上特賜一階四品已下各加一階應入三品五品官階相當不限考數聽得入知頓使及判官脩禮儀官撰

玉冊文官知頓御史加一階脩壇場州刺史及書冊詔令壇官各賜物一百疋其已有昇壇職掌從一頭處分緣大

禮有職掌官賜勳三轉行從官首末不絕及陪位官各賜勳兩轉内外文武官三品已上賜爵一等四品已下各加

一階致仕官三品已上賜物七十疋四品五品各五十疋行從蕃客鴻臚安置陪位見大禮者宜賜物五十疋節級

分付南北衙應宿衛齋宮官及左右廂知兵馬虞候摠管已下詔令及判官詔令別奏兼孔目官等更加勳一轉前

資官選日稍優與處分自守身三字一人有資勞者簡選之日優與處分無資蔭者賜勳兩轉南北衙行從三衛飛

騎萬騎引駕細引一作及監門直長主帥黃衣長上各賜勳兩轉仍各賜物五段兩營弩一作手六番併行宜各賜

勳兩轉物五段仍量折番後諸衛曠騎及兵角弓手官馬主掌閑幕士駕士供膳主習馭工人樂詔令人雜戶官戶

大詔令無此三字



白身有職掌人合行從人等各賜勲一轉物三段其齋即  
既見是任官準壇上壇下有職掌官例處分執彈三衛及  
禮生贊者各減二年勞無勞可減者簡選日稍優與處分  
流外行署從者各賜勲一轉有職掌者各賜勲兩轉供頓  
州刺史同陪位官例始末專知頓官各與一中上詔令作上中  
考蒲州刺史寶鼎縣官同昇壇官處分官壇一鄉百姓給  
復二年蒲州侍老等準太原潞州例降一等處分武德初  
功臣每有大慶必存追遠業叅運始義合賞延其子孫沉  
翳無在朝者宜令勘實即與一子官唐元初立功臣一作官  
等艱難之際誠效亦深言念其初豈忘終始其二品已上  
各賜一品官五品已上各賜紫金魚袋有亡歿者優贈一

官仍與一子官一子先一作已得官者選日優與處分兩京

留守京兆河南尹四大都督府長史諸軍節度副大使準

行從官例處分諸方通表疏使人預見大禮準陪位官處

分諸道戰詔令作陣亡人家仰州縣存恤不周濟者量事賑給

諸軍詔令作道健兒別勅行人各賜勲一轉仍令所司速勘會

團奏官寫告身送付諸道行人或有身死被詔令作波逃猶徵

課役累及親隣即宜審勘為其除削皇親中有文武才用

堪任使者委宗正具薦詔令作具當與獎擢五岳四瀆名

山大川自古聖帝明王忠臣烈士輔相各令致祭務盡誠

潔赦書有所不該者所司比類聞奏亡命山澤挾藏軍器

百日不首復罪如初敢以赦前事相告言者以其罪罪之

率土之內賜酺三日赦書日行五百里布告天下詔令傳  
咸使聞知主者施行遐邇

中元日校於鏡清齋中改正三十一字近以人事紛冗又撰蓬

山詔舊圖記輟課二日稍暇當補足之誌以自勗

文苑英華卷第四百二十四

文苑英華卷第四百二十五

翰林制詔六

赦書六

禋祀赦書二

天寶三載親祭九宮壇大赦天下制

孫逖

門下九宮之祀百代莫修豈日給之不暇將明靈之有待


朕當宸君臨握圖績業每聽政中曷疇咨謹言觀書乙夜

以求故實勵精為理三紀于茲上荷宗廟延祥克開厥後

下賴股肱叶德以致邕熙而麟鳳龜龍近遊郊藪蠻夷戎

狄遠輸賫賚乘時年一作之休運恢皇王之遠圖是以圓

丘方澤之儀昇中告類之禮靡一作典不舉靡神不懷恭



惟九宮明祀尚闕載深兢惕用建靈壇爰以元辰親執奠獻叶青陽一作春發生之慶祈黔庶吉祐之福今至誠式展

大禮云備瑞景和風神心如荅則無疆之祉豈獨在予非常之澤宜覃率土可大赦天下自天寶三載十二月二十

五日昧爽已前大辟罪已下罪無輕重咸赦除之其十惡死罪造偽頭首謀殺攻劫及官典犯賊不在免限朕惟善

政實在養人作法務從於寬簡任事必量於齒力比者成童之歲即掛輕徭既冠之年當便正役憫其勞苦用軫予

懷自從今以後天下百姓以十八已上為中男二十三已上成下又任土作貢先標程式或非所有不免賢遷事既非

宜理難經久并應徵課稅及支遣諸色物或期程之間遲速一作非便並委所司與朝集使商量取便穩處奏置聞

實錄載赦文云每歲庸調八月徵收農功未畢恐難濟辦自今已後延至九月三十日為限諸軍行人

遠為邊捍修短之分雖有定期役從而終良深軫念其有陣亡及在軍亡歿骸骨未還鄉貫者宜令節度使給棺櫬

遮歸又防邊禦寇實為艱勞貧戶單丁固茲疑存養更令差遣去住難堪自今已後應差行人家無兼丁不在取限

自古聖人皆以孝理五常之本百行莫先移於國而為忠事於長而為順求言要道實在弘人自今已後令天下家

藏孝經一本精勤誦習鄉學之中倍增教授郡縣官長明申勸課百姓間有孝行過人鄉閭欽伏者所由長官具以

名薦其有父兄見在別籍異居虧敗名教莫斯為甚特宜

禁絕勿使更然并親歿之後亦不得令有分拆郡縣切勒  
 令在惟行自今已後如有不友不恭傷財破產者宜配磧  
 西用清風教朕惟熙庶績博訪逸人豈唯振拔滯淹以期  
 於大用亦欲褒崇高尚將敦於薄俗虛佇之懷兼在於此  
 其有高蹈道一作不仕遁跡丘園遠近知聞未經薦舉者委  
 所在長官以禮徵送又崇德追遠式閭封墓用旌前列以  
 叶大猷自古聖帝明王名臣烈士陵墓有頽毀者宜令所  
 管一作掌一作量事修葺仍明立標記禁止樵採天下侍老百歲  
 已上賜帛五段粟三石八十已上帛三段粟二石仍於郡  
 縣長官存問給付並獻太子講宜賜物二千疋終獻慶王  
 琮一千疋正衣夾侍各五百疋親王各三百疋新封建郡

王及國公各一百疋賢妃三百疋長公主各三百疋公主  
 各二百疋嗣郡王各一百疋中書門下三品竭心翊戴弘  
 益實多各與一子官如先已授官量與一人轉内外文武  
 官三品已上賜爵一級四品已下各加一階一品賜物七  
 十疋三品已上六十疋五品已上四十疋六品已下二十  
 疋諸節度使各賜物一百疋三京留守及二王後各八十  
 疋採訪使各六十疋諸蕃客共賜二千疋其唐元功臣締  
 構之初竭其忠欵錄功念舊情所不忘普恩之外更賜一作  
 加一階其身歿者各贈一官皇親五等已上及九朝子孫  
 諸親三等已上未有出身者並放出身其前資者選日稍  
 優與處分見任者更賜勲兩轉應天下賜酺三日赦書有

所未該者所司類例聞奏宣布中外咸使知聞主者施行

一作皆唐大詔令

南郊赦

天寶六載

內制

門下昭事昊窮必惟裡祀盖順帝則而成政也肅雍清廟

必惟嚴享

一作必嚴大享

盖繼先志

一作盖叶先心

而為孝也則累聖之

德在人元陽之氣在候所以達明靈之景貺廸皇王之

一作微

猷者矣朕夕惕宵衣奉天續業勉思政道惟懷永圖

賴百

一作列

辟庶官匡予不逮聲朔及遠車書靡殊加以乾

符神珍日來月至感福應之充盛懼明祠之未殷且資父

事天因

一作自

親設教洽情以達禮廣敬以推尊時享之誠

宜異數日舉之饋豈忘事生是用革故鼎新禮物對越

上靈聿追嚴配既而崇牙宿設明德惟馨敬爾工駿奔執

豆陟降至止

一作丘止

樂徧禮成精意上升神休下荅宜廣

維祺之福以覃作解之恩

同前

天寶十載

內制

門下皇天眷命必順於五行哲后御時實遵於三統考古

之道何莫由斯朕欽若上靈

一作玄

嗣守丕業察璿衡以齊

政念稼穡以勸人日慎一日四十載于茲矣何嘗不夙夜

懼畏憂勞在懷思共黎元臻夫至理幸以刑清俗阜天成

地平萬方底寧群物咸遂雖慙大化且謂小康此皆至道

儲祉宗社敷祐豈予薄德

一作菲薄

而克致焉然則上稽曆象

傍採輿議爰以土德承漢火行是憑大易之辭用紹前王

之烈禎祥累應正閏攸分不改舊章惟新景命一作遠運屬獻

歲初吉乘時布和是用展禮一作祀崇禋竭誠昭布一作報庶

叶發生之序載覃雷雨之祥一作澤

一作皆唐大詔令

拜南郊制 景龍三年十一月二十三日 內制

門下朕聞展禮禘祖吳穹著其成命就陰即陽經墳一作墳典

明其大節故豺獮有祭下不隔於微品犧牲畢陳上以先

一作老光於嚴配軒皇用事則雍旁五祠漢帝潔齊則城南七

里用一作固能使敬而不黷求而不匱祈穀則九載可登焚

柴則三載無闕是知上靈大德不私於亭毒之仁正直聰

明有感於馨香之荐瞻高欲語無易茲道我高祖神堯皇

帝開階立隊一作極配求循機太宗文武聖皇帝仗金策而

清四方運璇機而齊七政高宗天皇大帝與乾坤合其德

與日月合其明則天大聖皇后建補天立極之功受河圖

洛書之統五精歸運四葉重光朕虔順樂推欽承曠命紹

宏基於累聖日慎斯兢執大象於群生夙興如勵遠人殊

俗占風而起一作集蠻印美瑞休符繫月而揮一作輝史筆故

得三邊靜柝五兵銷刃寰宇大寧人神式序而德慙被物

誠謝動天水旱尚臻陰陽猶舛未以憂懼一作易無忘鑒寐

然則事天事地莫盛乎禋祀弗躬弗親孰申乎誠敬朕自

臨四海于今五年幸承祧社之靈未展郊丘之謁方今朔

風候律南至一作啓登辰乘上日而恭饗奉高禋而肅事揚

風候律南至一作啓登辰乘上日而恭饗奉高禋而肅事揚

宗祖之休命酌壇場之令典百神受職三才合契備殷薦之容行昭報之禮豈惟靈光所燭但驗其徵方與後先不違實受其福至若五刑之屬十惡為重自頃恩赦罕聞該及朕以眇身膺乎大寶下人不足每切如子之傷上帝所臨敢逃在予之責閑居三月未弭厥憊靜念終朝載增寅畏侑神伊始與物惟新用弘曠蕩之恩以答高明之祝可大赦天下

云云

一作皆唐大詔令

祠后土制

內制

門下朕聞大事在祀禮極于郊丘大德曰生道存乎赦宥故至誠斯感允接神明之休盛典聿脩必敷雷雨之施古

下缺六字

堯帝代躬祀后土所以崇兼載之功配博臨之義有虞氏之合禘遍于山川成周氏之從祀逮于林澤西漢汾陰之睢東洛翠媯之禪雖制無休備而道有可觀曹馬以還數百餘制無載蓋設儀而不服或誠信而未孚有其廢祀莫之能舉我國家受命也承百王之季啓三統之元高祖神堯皇帝膺錄授圖繼天立極太宗文武皇帝弔人伐罪南征北怨是用秘生靈於塗炭登物態於休和高宗天皇大帝維睿作聖垂衣而理大聖天后受闕托從權當宁化治中宗孝和皇帝允恭克讓守文御寓能致刑措於變時雍朕以眇身恭荷丕構常恐政理乖中風雨愆期暢慮周於萬方疚懷深於一物幸乾坤交泰宗社降靈氣無疵癘之

災物遂生成之性呼韓慕化侍子趨庭月支請職名王入  
貢大荒同軌瀛海無波俯循涼德載懷寅畏故以歲首肅  
事禋宗爰撰令辰親祀方澤採黃圖之舊制定累朝之前  
基神地取則於禮經宥密同規於詩頌三祖登配群望畢  
從咸池之舞在列合鍾之管斯陳祥風入候當乎八變之  
殷瑞日揚暉屬乎三獻之始臣工助而胥悅兆庶觀以相  
趨精誠克申感慶交集頃緣郊籍已肆肯定貸宥之道未  
應頻降但精享云闕既曠代而方修福釐所被思寰宇之  
同休疑宜因大典式暢洪恩可大赦天下

貞元元年冬至郊祀大赦天下制 陸贄

門下君天下者受命于天地繼業於祖宗致其誠心惟

與孝遠敬莫大於廢祀虧孝莫大甚於黷神朕以眇身

屬承大統縱欲敗度浸生厲階兵連禍深變起都邑六師

播蕩九服震驚郊廟園陵陷於兇逆神人乏主將迨周星

列聖大集作業幾墜于集作地違敬虧孝罪由朕躬撫臨

萬邦甚用自愧側身思咎庶補將來股肱元臣比義叶德

瓜牙衆集作士戮力同心誅集作大憝而京邑廓清翦逋

寇而閔河底定茲朕再與王公卿尹洎億兆之人備其威

容修其禮物薦誠清廟展敬圓丘陳謝罪愆告情集作雪

耻感慕慙惕若無所容上帝顧懷再新景命豈伊匪集作

德獨荷鴻休思與普天誕膺多福可大赦天下自貞元元

年十一月十一日昧爽已前云云李希烈僭逆不道誠所

年十一月十一日昧爽已前云云李希烈僭逆不道誠所



難容朕憫念蒼生務息征討頻降集作詔令許其自新若

能歸降依前待之以不死淮西管內將士官吏百姓等一

切原宥與之如初先有官封亦皆復舊如能特建功效集作

業者當別超擢若家口親屬在諸道者長吏撫綏各使安

存其歸順百姓仍委節度觀察刺史給空閑地任便安居

優復終身務令全集作濟大事平已四字集作符聽歸本

貫云云自頃兇渠唱亂逆將附姦保據國都憑陵旬服朕

出次郊邑再遷巴梁險阻艱難靡不經歷暴亂之後乃彰

烈士之功憂危之中方見直臣之節錄勲進善其可弭忘

應奉天興元元年元從立功集作并收京城將士食實

封者各隨文武與一子官餘並加兩階仍賜勲兩轉其文

武百寮應扈從到興元府者五品已上賜爵一級六品已

下各加一階云云自建中四年已來有身死王事義烈著

明未經褒贈者本道即具名銜事蹟聞奏諸道有解退官

隸州府長吏功務安存仍量以空閑田地給付集作免其

差役任自營生社稷之勲以輔興王業統帥之任以惣制

戎麾集作職弼諧集作者其德崇授旌集作節者其功

大方鎮乃國之垣翰禁衛實予之爪牙尹京實賴於集作

肅清主計尤資於辦集所頒慶澤宜越常倫司徒兼中書

令晟宜與一子五品正員官并四品階諸道副元帥各與

一子五品正員官都統與一子六品正員官中書門下平

章事克節度使各與一子七品正員官節度使及神策兵

...

馬司六軍充節軍金吾六軍大將軍判度支侍郎各與一

子八品正員官都團練都防禦等使京兆河南尹金吾六

軍將軍殿前射生兵馬使各與一子九品正員官多難已

來三十餘載克平禍亂屬在戎臣或節著艱難或勲高戰

伐受任雖專於惣帥成功亦賴於群材懋賞推恩宜加胤

嗣諸大將功業崇高者各與一子官本使即詳定錄名集

具狀聞奏副元帥都統兼節度使下每道共三十人節度

使下每道共一十人都團練都防禦使下每道各十八人

如大將子孫之中有藝業優長性行純確者本道使具狀

聞薦仍量事資集給令赴上都朕當隨材授官以充侍

衛庶使功臣之後與國無窮故尚父子儀先朝元勳再復

京邑贈太尉秀實以死為集國節冠古今宜各與子孫

一人五品正員官自至德已後節度使大將忠烈績効著

明其後淪替集者所司即條錄聞奏與子孫一人正員

官諸色人中應在賊中集潛奉神主頃已甄賞宜更優

崇云云江淮轉運使檢校左僕射同平章事韓滉勵精勤

職夙夜在公漕輓資儲千里相繼事無憊素人不告勞拯

于凶灾厥有成績可進封晉國公關畿之內連歲興戎荐

屬天灾稼穡不稔穀糴翔貴蒸黎困窮倉廩空虚莫之賑

贍每一興念惻然痛心宜令度支取江西湖南見運到襄

州米一十五萬石設法搬赴上都以救百姓荒饑如山路

險阻車輓集難通仍召貧人令其搬運便以米充脚價

務於全活流庸廢事優饒副朕勤恤立國之道始於親親所以厚骨肉之恩弘集詔令教化之本况荐經艱故宗族

漂淪敦穆之情有加常日大長公主長公主公主各與一子七品官嗣王却主縣主各與一子官出身如宗子中有

德行才能者宗正卿具以名聞當別獎任致理之本在乎審官審官之由資乎選士將務選士之道必精養士之方

魏晉已還流風未革國庠鄉校唯尚浮華選部禮闈不稽實行學非為已官必徇人法具非精弊將安救宜令百察

詳思所宜各修議狀送中書門下參校得失擇善而行有虞建官三載考績在漢為吏或長子孫蓋以吏久於官則

人情不苟官久於事則理化有成日者制度廢隳考課乖舛淹速靡準升降無名欲令庶僚何所懲勸自今已後刺

史縣令未經三考不得改移集作自餘非在職績効殊尤亦不得越次遷轉刺史停替須待魚書內外五品已上及

常參官在任年考已深者即量其才効與改中外迭處以觀其能夫明目達聰務廣聞見或慮懷才抱器之士輸忠

納諫一作之倫地處幽遐無由自達求言於此夢想不忘應諸色人有長策濟時忠規匡主者任具陳所見請所居

之州委刺史畧與討論觀其肯趣但有裨理道不涉私情便與附驛遞進朕當親覽自立兩稅經今六載或初定之

時已有偏併或戶口減耗舊額猶存輕重不均流亡轉甚集作委度支即折衷條理以恤困窮古者雖有水旱人無

菜色皆由儲蓄不匱勸導有方前代所置義倉國初亦循

集作其制備灾救乏甚便於人宜即準貞觀故事天下所

墾見田上自王公下及百姓每豐稔之歲秋夏兩時州縣

長官以理勸課據頃畝多少隨所種粟豆稻麥逐便貯納

以為義倉如年穀不成即量取賑給官司但為其法勸諭

不得收作用度四字集各集作委本道逐便宜處置聞奏

敦本厚生如資播殖當今所切莫甚於斯自今後百姓有

墾闢田疇加於常歲者所加之地不得輒更徵租稅其刺

史令長考課亦以本界墾田多少為殿最今年蝗蟲損甚

集作州府開春之後量給種子以便集作農功天下應荒

閑地集作有肥沃集作堪置屯田處委當管審細檢行以

諸色人及百姓情願者使之營田如部署精當收穫數多

本道使刺史特加褒昇屯官等節級優賞如是逃田地本

主復業即集作却給還輦穀之下四方會同供應既多難

為準定急賦煩役人何以堪宜令京兆尹與度支計會長

安萬年兩縣每季各先貯備錢五千貫文於縣庫收納定

清翰官專知應緣卒須別索及雜供擬并工匠等縣令與

專知官先須給付價錢季冬集作之後申度支勘會應關

和市和顧並須先給價錢兩稅外一物已上不得科配百

姓御史臺朝廷紀綱尚書省理化根本百度得失繫乎其

人自頃制勅施集作行所司多不遵守主詔令臣奉職豈

所宜然委御史臺左右丞切糾稽違無壅朕命云

云

中元夜又校定此卷訂正五十二字 藏園老人

文苑英華卷第四百二十五

藏園

